

# SDI anjur ceramah 'Digital Makerspace and CreativeCulture' pada 29 Nov

**KUCHING:** Institut Pembangunan Sarawak (SDI) akan menganjurkan ceramah 'Digital Makerspace and CreativeCulture' pada 29 November ini di Kompleks AZAM.

Ceramah yang diadakan di bilik persidangan AZAM itu akan bermula jam 9.30 pagi hingga 11.30 pagi.

Ia akan disampaikan Pensyarah Fakulti Sains Komputer dan Teknologi Maklumat UNIMAS Dr Sarah Flora Samson Juan dan Dr Jacey-Lynn Minoi.

Sarah akan berucap mengenai 'Digital Makerspace: An Informal Learning Space to Nurture Innovation' manakala Jacey-Lynn

akan berucap mengenai 'Play in School: Seriously? Co-creativity Approach by the CreativeCulture Initiative'.

Menurut satu kenyataan yang dikeluarkan SDI kelmarin, para pensyarah ini akan berkongsi beberapa pandangan mengenai pendekatan pendidikan baharu yang bertujuan memupuk inovasi dan kreativiti.

"Dalam era digital ini, terdapat gangguan digital dalam semua sektor.

"Justeru, terdapat keperluan mendesak untuk memperbaharui pendidikan kerana pelajar mungkin perlu bekerja sendiri pada masa akan datang.

"Di sinilah pendekatan pendidikan baharu tersebut memainkan peranan," ujar kenyataan tersebut.

Menurut kenyataan itu juga, ia menggalakkan orang ramai mencipta sesuatu menggunakan teknologi canggih dan memparkan ruang pembelajaran yang tidak formal untuk memupuk inovasi.

Ia memenuhi keperluan abad ke-21 dan menggalakkan pembelajaran melalui aplikasi dan pengalaman yang mendalam, selain memberi kebebasan kepada belia kita dalam dunia yang pantas berubah ini.

Ceramah ini juga akan berkongsi mengenai kepen-

tingan kreativiti bersama dalam memudahkan proses pembelajaran yang menarik berdasarkan inisiatif CreativeCulture yang dibiayai Newton Fund (UK).

Ceramah ini terbuka kepada orang ramai. Pendaftaran adalah percuma namun tertakhluk kepada syarat siapa cepat dia dapat memandangkan tempat duduk terhad.

Pendaftaran akan bermula jam 9 pagi dan sesiapa yang berminat boleh menghubungi SDI (Evelette Robin atau Patricia Nayoi) di talian 082-415484/ 416484 atau mendaftar melalui emel di eveletterobin@sdi.com.my.